



REPUBLIKA E KOSOVËS
REPUBLIKA KOSOVA – REPUBLIC OF KOSOVO

GJYKATA THEMELORE GJAKOVË

Numri i lëndës: 2022:137767

Datë: 13.11.2024

Numri i dokumentit: 06446669

PPP.nr. 254/2024

GJYKATA THEMELORE NË GJAKOVË - Departamenti i Përgjithshëm, gjyqtarja Blerina KURTAJ, në çështjen juridike përmbareme të kreditorit F. V., nga Rahoveci, të cilën sipas autorizimit e përfaqëson Dardan Morina, avokat me seli në Gjakovë, kundër debitorit Komuna e Gjakovës – Drejtoria Komunale e Arsimit, të cilën me autorizim e përfaqëson Qëndresa Bytyqi Hoxha, zyrtare ligjore, sipas dokumentit përmbareme për pagesën e borxhit, duke vendosur lidhur me prapësimin e ushtruar nga debitori i përmbaremit kundër Urdhrit për lejimin e Përmbaremit numër P.nr.6465/24, të datës 09.07.2024, të lejuar nga Përmbareusi Privat Blerim Baloku, me seli në Pejë, jashtë seancës, me datë 13.11.2024, mori këtë:

A K T V E N D I M

- I. **APROVOHET** pjesërisht si i bazuar prapësimi i debitorit Komuna e Gjakovës – Drejtoria Komunale e Arsimit, ashtu që **SHFUQIZOHET** Urdhri i Përmbareusit Privat Blerim Baloku, me seli në Pejë, me numër P.nr.6465/24, të datës 09.07.2024, sa i përket kërkesës së kreditores që në emër të shpenzimeve për përpilimin e propozimit për përmbareme, debitori t'ia paguajë shumën prej 28.08 euro, në emër të TVSH-së prej 18%.
- II. **MBETET NË FUQI** Urdhri i Përmbareusit Privat Blerim Baloku, me seli në Pejë, me numër P.nr.6195/24, të datës 09.07.2024, për pjesën me të cilin është caktuar përmbaremi në bazë të dokumentit përmbareme, lidhur me pagesën në emër të borxhit kryesor në shumën prej 1,023.00 euro, me kamatë ligjore 8 %, nga dita e paraqitjes së padisë me datë 01.07.2022 e deri në pagesën definitive, në emër të shpenzimeve të procedurës kontestimore shumën prej

124.00 euro si dhe në emër të shpenzimeve të procedurës përbarimore në shumën prej 156.00 euro.

- III. Obligohet debitori, që në emër të shpenzimeve për përpilimin e përgjigjes në prapësim të ja paguaj kreditorit shumën prej 156,00 €, në afat prej 7 ditësh nga data e pranimit të këtij Aktvendimi, nën kërcënim të përbarimit.

A r s y e t i m

Përbaruesi Blerim Baloku, me seli në Pejë, duke vepruar sipas propozimit të kreditorit F. V. nga Rahoveci, të cilin sipas autorizimit e përfaqëson Dardan Morina, avokat me seli në Prizren, ka lëshuar urdhër me numër P.nr.6465/24, i datës 09.07.2024, me të cilin ka lejuar përbarimin në bazë të Aktgjykimit të plotfuqishëm të Gjykatës Themelore në Gjakovë me numër C.nr.823/22 të datës 01.11.2023, i plotfuqishëm me datë 21.11.2023, dhe i ekzekutueshëm nga data 01.12.2023.

Konform aktgjykimit të lartcekur, të Gjykatës Themelore në Gjakovë me numër C.nr.823/22, të datës 01.11.2023, kreditori ka parashtruar propozim për përbarim. Me propozimin për përbarim ka kërkuar që të caktohet përbarimi ashtu që të detyrohet debitori Komuna e Gjakovës - Drejtoria Komunale e Arsimit, që kreditorit t'ia paguaj borxhin kryesor shumën prej 1,023.00 €, në emër të shpenzimeve procedurës kontestimore shumën prej 124.00 €, si dhe shumën prej 156.00 € në emër të shpenzimeve përbarimore.

Kundër urdhrin për lejimin e përbarimit, brenda afatit ligjor, prapësim ka paraqitur debitori Komuna e Gjakovës - Drejtoria Komunale e Arsimit. Në prapësim debitori ka theksuar se e kundërshton në tërësi propozimin për përbarim si dhe urdhrin për përbarim si tërësisht i pa bazuar. Gjithashtu, e kundërshton edhe pjesën e propozimit mbi shpenzimet e procedurës përbarimore, ku kreditori ka kërkuar edhe 18 % të TVSH-së, për shkak se kërkesat lidhur me këto shpenzimet janë në kundërshtim me Rregulloren për Tarifat e Avokatëve. Në fund i ka propozuar gjykatës që ta aprovoj prapësimin e debitorit dhe urdhrin për përbarim ta shfuqizon, gjegjësisht ta hedh poshtë si të pabazuar.

Kreditori, përmes të autorizuarit të tij, ka paraqitur përgjigje në prapësim duke i propozuar gjykatës që ta refuzoi si të pa bazuar prapësimin e debitorit dhe ta aprovoj si të bazuar Urdhrin Përmbartimor të lëshuar nga Përmbartuesi Privat dhe ta obligoi debitorin që kreditorit të ja paguaj shpenzimet në emër të përpilimit të përgjigjes në prapësim, në shumë prej 156.00 €. Ndërsa sa i përket shpenzimeve në emër të TVSH-së prej 18%, i njëjti ka theksuar se ajo është bazuar në Ligjin për Tatim në Vlerën e Shtuar Nr. 05/L-037, andaj pretendime e debitorit lidhur me llogaritjen e shpenzimeve të procedurës përmbartimore janë të pa bazuara.

Gjykata ka shqyrtuar pretendimet e debitorit të paraqitura në prapësim dhe ato të kreditorit në përgjigjen në prapësim dhe pas shqyrtimit të shkresave të lëndës ka ardhur në përfundim se prapësimi i debitorit është pjesërisht i bazuar.

Gjykata vendosi si në pikën I të dispozitivit të këtij aktvendimi, duke e aprovuar pjesërisht prapësimin e debitorit dhe duke e shfuqizuar urdhrin pjesërisht Urdhrin e Përmbartuesit Privat Blerim Baloku, me seli në Pejë, me numër P.nr.6465/24, të datës 09.07.2024, sa i përket kërkesës së kreditores që në emër të shpenzimeve për përpilimin e propozimit për përmbartim debitorit t'ia paguajë shtesën e shumës prej 28.08 euro në emër të TVSH-së prej 18%, me arsyetimin se këto shpenzime nuk i përkasin dispozitivit të vendimit gjyqësor me të cilin është paraqitur propozimi për përmbartim, e as nuk janë të parapara në Tarifën e Odës së Avokatëve Nga arsyet e paraqitura, në bazë të nenit 73 të LPP-së, gjykata vendosi si në dispozitivit të këtij aktvendimi.

GJYKATA THEMELORE NË GJAKOVË

Departamenti i Përgjithshëm

PPP.nr. 254/2024, me 13 Nëntor 2024

Gj y q t a r j a
Blerina KURTAJ

KËSHILLË JURIDIKE: Kundër këtij aktvendimi është e lejuar Ankesa në afat prej 7 (shtatë) ditësh nga marrja e të njëjtit, përmes kësaj Gjykate për Gjykatën e Apelit të Kosovës në Prishtinë. Ankesa duhet të paraqitet në kopje të mjaftueshme për palët dhe gjykatën.